

Über diese seyn noch etliche gemeine schrei-  
ber / welche auff den gruben vnd Zechen / die ih-  
nen sonderlich befohlen seyn / die Bergkosten vnd  
aufgaben beschreiben / deren bestellung (doch  
aufferhalb vnserer Erbgruben) wir vnsern Br-  
büer befahlen.

Von Schicht-  
meistern vnd  
Grubenschrei-  
bern.

Es sollen aber berürte gemeine Gruben-  
schreiber oder schichtmeister / vnsern Geschwor-  
nen Urbüerern schreiben vmb des wöchentlich-  
en anschnitts oder Rechnung willen / die sie ihnen  
alle wochen von der Bergkost thun sollen / vnter-  
thenig vnd gehorsam seyn.

Wöchentlich  
anschnitten.

## Das Neunte Capittel.

De officio Scansorum.

Von der Steiger Almbt.

**D**ieser Königlich gemüt vnd hertz ist  
dabyn gerichtet / daß wir gerne die be-  
schwerliche menge der Almbtleut / wel-  
che nicht nützlich vnd rühmlich zu ach-  
ten / durch rechtmessige mittel vnd wege abschnei-  
den wolten / vnd deme / so dem Bergwerk zum  
födersten von nöten / auch seine ehrliche vnd ge-  
bürlliche frucht bringet / embsig nach zutrachten /  
vnd dieweil die armen Gewercken durch die  
mänge / vnd dem mißbrauch der Steiger / biß  
anhero beschwert gewesen / so wollen wir densel-  
bigen mißbrauch hiermit auffheben / vnd keine

Unnütze  
Almbtleute  
den Gewerck  
schädlich.

¶ ij

andere